



In Memoria

Ändu Andreas Stoll

16. Dezember 1954 – 16. September 2020

Für üs no geng unbegriflech, dass mir ar Abschiedsfiir vom 27. Septämber 2020 im ängschte Familie- und Fründeskreis vo mim Brüetsch, mim Götti, mim Unggle und üsem grossartige Fründ hei müesse Abschied näh. Der Ändu het i de letschte Monet aues gmacht zum sech gäge die heimtückeschi Chrankheit z wehre, leider ohni Erfoug. Am 16. Septämber 2020 isch der Ändu friedlech iigschlafe. Die grossi Lücke, wo är hinderlaht, isch nümme uszfüue u mir si drum aui sehr truurig. Fähle wärde üs nid nume, die immer beschtens organisierte Usflug u Reise im Fründeskreis, sondern o, dass mer nie meh bimene Bierli und Plättli zäme gmüetlech chöi ploudere. Fähle wärde üs o die Feschttäg im Kreis vo üser immer chliner wärdende Familie und die schöne gmeinsame Geburtstags- und Städtereise. Unvergässlech si die zauriche Curlingturnier im In- und Usland, vor auem d Horu-Trophy, wo der Ändu nächschts Jahr zum drissigschte Mau gschipt hätti. E chline Troscht blibt de Truurende, dass si sech immer wieder a sini fröhlechi u hiufsbereiti Art chöi erinnere.

Mir vermisse der Ändu ganz fescht

Sini Familie

Regina, Adrian & Valérie, Katrin & Michel

Sini Fuscure-Fründe

Bärtu, Brünü, Housi, Tinu, Richu, Rüedu, Willu